



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

Titulus XIII. Inspirationes divinæ.

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

cetus pro cymba ; ita Paulo serpens pro patrono. Oliva ib.

Gaude innocentia , & exulta ! gaude , inquam , quia ubique illa es , ubique secura . Si tentaris , proficis ; si humilioris , erigeris ; si pugnans , vincis ; si occideris , coronaris . Tu in servitute libera es , in periculo tuta , in custodia lata . Sanctus Chrysostomus s. de Joseph.

Nunquam absconditur , quem prodiderit innocentia . Ennodius In Panegyrico dicto Theodorico regi.

Vide Tit. Silentium.

§. IV.

Innocentiam custodiendi motiva.

Custodi innocentiam. Pl. 36. 37. Tene , quomodo , cum avarus esses , facellum tenebas . Quomodo tenebas facellum , ne tibi extorqueretur à fure : sic custodi innocentiam , ne tibi extorqueatur à diabolo . Sanctus Augustinus hic.

Ascendente eo in naviculam. Matth. 8. 23. id est , baptismum . Hæc aqua baptismalis innocentia facit naufragia , & rumpitur impingendo in rupem peccatorum mortalium ; scilicet vento diabolicarum tentationum , seu periculis occasionum mundanarum ; in tantum ,

quod tot sint pericula in mari hujus Mundi , quod è decem millium non transfretat una cum ista navi innocentia baptismalis , quin peccet mortaliter . Sanct. Vincentius Ferr. s. in die Cin.

Qui - vicerit. Apoc. 3. 5. id est , innocentiam baptismalem servaverit ; vel , poenitentiam egerit , in eaque perseveraverit . Sylveira hic.

Nihil sancta , & singularis , illa Majestas , aliud ab homine desiderat ; quam solam innocentiam : quam si quis Deo obtulerit , satis pie , satis religiosè , litavit . Lactantius lib. 6. instit. div.

Miscellanea.

Esse jam inter nocentes innoxium , crimen est : malos , quisquis non imitatur , offendit . Consensere jura peccatis ; & coepit licitum esse , quod publicum est . Sanct. Cyprianus ep. 2.

Innocentia cordis est , de nemine malè sentire , neminem judicare , & mala de nemine cogitare . Est innocentia ori , nulli detrahere , nulli maledicere , & à veritate nunquam recedere . Est autem innocentia operis , lædere , nulli nocere . Sanct. Bonavent. s. 20. de Innocentibus.

TITULUS XIII.

INSPIRATIONES
DIVINÆ.

§. I.

Figure , Symbola.

Vix Isaac sermonem expleverat. Gen. 27. 30. & egresso Jacob foras , venit Esau . Dum verbò illò vix temporis notatur brevis , promptæ obedientia felicitas proditur . Si Jacob matris inspirationi parere distulisset ; primogenitura , benedictionisque , gloriam indubiè amisisset ; mansissetque Esau servus . Rebecca divinæ inspirationis figura . Naxera in Jos. 24. §. 19.

Ascendit fumus de naribus ejus. 2. Reg. 22. 9. id est , lacrymosa compunctio poenitentium inspiratione ejus . Nares Dei inspiratio ejus in corde Fidelium . S. Anselmus lib. de vestim. membr. & actibus Deo attributis.

Osuletur me. Cant. 1. 1. Osculatur nos Deus Verbum ; quando cor nostrum , & ipsum principale hominis , spiritu divinæ cognitionis illuminat . S. Ambr. l. de Isaac & anima c. 3. Os sponsi , inspiratio Christi . Osculum oris , dulcis amor inspirationis . S. Greg. hic.

Vox dilecti mei pulsantis : aperi mibi foror mea. Cant. 5. 2. Strabus : sto ad ostium , id est , inspiro . Anselmus : sto ad ostium , id

est , cor clausum , vel induratum . Quid tibi fili Dei cum peccatorum habitaculo ? & rogas , & cupis , ut aperiant ? in platea Dominus ? noctu celestis vagatur sponsus ? S. Aug. l. 4. Confess. c. 11. noli esse vana anima mea , & obsurdescere . Verbum ipsum clamat ; & ibi est locus quietis imperturbabilis . Escobar t. 6. Parab. Chr. Obs. 6.

Ego sto ad ostium , & pulso. Cant. 5. 2. Apoc. 3. 20. Pulsat Dominus , quando , quæ bona sunt , vel per doctrinam docet , vel occultâ inspiratione Sanctorum corda ad benefaciendum instigat . Tunc ostium ei aperitur , quando ea , quæ præcepit , implentur . Sanct. Justus Orgel. hic.

Adolestens , tibi dico , surge. Luc. 7. 14. Hoc quotidie dicit Dominus unicuique peccatori : surge , qui hæcenus jacuisti in vitijs ; surge ad poenitentiam agendam . Haymo D. 16. Trinit.

Lazare veni foras. Joan. 11. 43. Hæ vox Filij Dei signat magnam gratiam illius , quæ vocat peccatorem interius , per occultam inspirationem dicens : *veni foras* , id est , confitere peccata tua Sacerdoti . Idem hom. in Octava Pasch.

Sic

Sro ad ostium, & puls. Apoc. 3. 20. Quoties sponsus provocat ad dilectionem, ad virtutes; toties pulsatur, ut aperiatur. S. Laurentius Jult. de casto connub. c. 11.

Quid sunt illae manifestationes, interni luminis, nisi dies electae mentis? Aliquando nos in contemplatione internae lucis excipit; quandoque labi usque ad praefendas humanitatis tenebras relinquit. S. Greg. l. 1. in 1. Reg. 1.

Sagitta est instinctus S. Spiritus. Tres sunt autem spirituales sagittae, quas mittere solet Christus: videlicet timoris, doloris, amoris. Timor poenam, dolor culpam, amor gloriam respicit. *Et ego tres sagittas mittam.* 1. Reg. 20. 20. Sanct. Bonaventura f. 7. in Pent.

§. II.

Inspirationes exequendi motiva.

Hodie si vocem ejus audieritis. Ps. 94. 8. Utilius namque, & multo salubrius est, hodie audire eum consulentem, consolantem, ammonentem, docentem; & ut multum arguentem, increpantem, corripientem: quam in die illa tam amarâ, tam lugubri, tam tenebrosâ, audire illum judicantem, indignantem, ulciscentem, savientem, condemnantem. S. Bernardus serm. de verbis Abacuc. Via Dei est, per quam ad nos venit, interna aspiratio. Via Dei, per quam ad illum imus, bona operatio. Hugo à S. Vict. in Ps. 118.

Aperi mihi soror mea &c. Cant. 5. 2. Ponit his verbis rationes, ad suadendum peccatori, ut aperiatur Deo. Cum ait: *aperi mihi*; insinuat aperuisse peccatorem alijs, vel aperire solere. Etenim ad januam cordis stat etiam diabolus pulsans; sed aliò modò, quàm Deus. Si enim in palatjs regum plures sunt ordines portarum, antequam perveniat ad secretum cubiculum; ita cor hominis plures continet portarum ordines. Quinque sensus sunt portae; magis intimae sensus interni, phantasia, appetitus sensitivus: per quas etiam intrat diabolus; & vehementius pulsatur; cum scdas cogitationes excitat, & immittit; quas David Ps. 77. 49. vocat *immissiones per Angelos malos*. Et sic misit diabolus in cor Judae, ut traderet Christum. Joan. 13. 2. Diabolus quidem immisit; sed Judas admisit, & consensit; & ideo ad possidendum cor ejus intravit; cum tamen illam immisionem potuisset repellere. Universa enim diaboli potestas non amplius se extendit, quàm ad pulsandum per has januas. At ulterius est intimior cordis janua ad superiorem spiritus partem; ad quam solus Deus immediate pulsare potest, immittendo in intellectum, & voluntatem, pias cogitationes, & ferventes affectus. *Aperi mihi.* q. d. aperuisti januam cordis tui diabolo, & hosti, qui tuum sitiebat interitum: cur ergo non aperi mihi Creatori, Redemptori, ac Patrono tuo? qui tuam cupio salutem. Aperuisti tyranno; aperi legitimo Domino: aperuisti lupi, qui intravit, ut perderet, & mactaret; aperi proprio Pastori, qui intrare cupit, ut te pascat, & tueatur. *Aperi mihi soror mea.* q. d. mitte ti-

tulis es mea; eisdem teneris aperire mihi: non enim pulso ad januam alienae domus, sicut diabolus; sed propriae. Facta es mea *soror*, per Incarnationem; *amica* per Passionem, qua reconciliavi te Deo: *Columba*, per missionem Spiritus S. quam tibi merui: & tandem facta es *immaculata*. Vel sic, *aperi mihi*, quae in Baptismo effecta es mihi *soror* per gratiam, mea divinae consors naturae: *amica* per charitatem: *columba* per infusionem Spiritus S. *immaculata* per munditiam ab omni macula. *Caput meum plenum est rore*: quia Divinitas, quae caput meum est, rore tuorum peccatorum est quasi cooperta, & valde despecta; dum mihi vilissimas praeponeis creaturas. *Et cincinnati mei*, id est, attributa, perfectiones meae; *plena sunt gustus nocturnum*; quoniam à te etiam despiciuntur. Contemnis meam misericordiam, bonitatem, patientiam, justitiam, & liberalitatem; tuasque voluptates, & concupiscentias, praefers illis. *Cincinnati etiam mei*, id est beneficia, & opera, quae à me in tui bonum procedunt, plena sunt tuis ingratitude; quoniam contra me illis rebuteris. Denique *caput meum plenum est rore nocturno*, quasi gelidum; dum non amatur à te, nec à multis Fidelibus meis: sed videor esse in Mundo, velut in nocte, rore, & gelu frigidus, de Ponte hic Exh. 8. §. 1.

Expoliavi me tunicâ meâ. Cant. 5. 3. Sponsa pulsanti Sponso tardat aperire. Ille declinaverat, atque transierat. Cum quanto damno postea quaesitus ab illa! *in viderunt me custodes &c.* Naxera in Jos. 24. §. 19.

Merito dicit: *labia ejus lilis distillantia myrrham* plenam Cant. 5. 13. docent enim in praesenti vita mortificationem, B. Theodoretus hic.

Stella dederunt lumen - dixerunt, adsumus. Baruch. 3. 34. 35. His anima comparatur, quando vocatur à Deo per inspirationem: & ipsa currit per desiderium. Sanct. Bonavent. hexam. f. 20.

Mirum! hortatur, & obsecrat DEUS mortalem, obsecrat DEUS lutum, obsecrat Creator creaturam, obsecrat Dominus servum; idque intrinsecus in anima: & alios quidem alloquitur amice ut filios, alios ut fratres; alios ut amicos compellit, castigat, ad se attrahit; ineffabili, & mentali, charitate cor exhilarat, edulcat, calefacit; à terrenis transfert, & ad coelestia vocat. S. Chrysost. serm. in Pent.

Velociter currit sermo Dei; & velocem desiderat habere sequentem. S. Bern. f. de vijs vitae &c. Quanta, & quàm ineffabilis divinae dignationis bonitatis! quae quotidie conspiciat nos, infelices, avertentes aures, obdurantes corde: & nihilominus clamat ad nos, & jugiter clamat in plateis, verè in plateis, quia in latitudine charitatis. Ecce enim bonorum meorum non egesset, Domine! & tamen dicis: convertimini filij hominum. Et iterum clamitas, revertere, revertere &c. ut in tueamur te. Idem serm. de septem spirit.

Prævenienti misericordiae, ut veritas nostrae conversionis occurrat; necesse est, ut de cetero sanctimoniam scelerum, & pacem; sine qua nemo

nemo videbit DEUM. Idem f. i. in annunt.
B. V.

Tentatio diabolica noctem ingerit, inspiratio divina diem facit: toties verò noctis tenebras incurrimus; quoties per ignorantiam, vel per malitiam, peccamus. Richardus à S. Vict. l. de Verbo incarn. c. 14.

DEUS bone! si inspirationes divinas, secundum omnem earum virtutis amplitudinem, & extensionem, reciperemus, quantos brevi tempore in sanctitate progressus faceremus! Sanct. Francisc. Salesius l. 2. cap. 11.

TITULUS XIV. INTELLECTUS.

Collum tuum sicut monilia, Cant. 1. 9. Nihil verisimilius, probabiliusve, elucet, quam ipsum animæ intellectum colli nomine designari. An non tibi videtur colli quodammodo vice fungi intellectus, per quem tua anima trajicit in se spiritus vitalia alimenta, atque in quædam transfundit viscera morum, affectuumque suorum? S. Bernardus f. 41. hic.

Homo sanctus in sapientia (scilicet intellectus) *manet sicut sol.* Eccl. 27. 12. Et de malis Sap. 5. 6. *Sol intelligentia non est ortus nobis.* Sicut enim Sol Mundum; ita intellectus suis cogitationibus, & notitijs, animam illustrat. Et sicut radij solis, quoadusque in aliquo objecto sistant, debiles sunt: ut in media aeris regione perspicitur; qui, quia illic non sistant, sed velociter transeunt; nullum calorem gignant: ut primum autem ad terram, aut ad quidquam aliud firmum, perveniunt, calorem causant, & aliquando ignem accendunt; si v. g. in speculum reverberent: sic cogitationes ex intellectu, velut radij de sole prodeuntes, priusquam in voluntate sistant, debiles exeunt. Si verò in ea sistant, ipsæque sit, ut speculum, tersa, & munda; divinum amorem inflammant. Sicut David expertus Psalm. 38. 4. *Concaluit cor meum intra me.* Diez conc. 2. in festo S. Francisci.

Osculabatur pedes ejus. Luc. 7. 38. Sunt duo labia, quibus Domini premendi sunt pedes, affectus bonus, & intellectus verus; de quibus Job 8. 21. dicitur: *donec impleatur risu os tuum, & labia tua jubilo.* Jubilo verò est ineffabilis mentis læticia, quam lingua explicare non novit; quò repletur affectus bonus, cum, per gratiam, & gloriam, ineffabilem recipit bonitatem; & intellectus verus fulgentissimam suscipit, & inextinguibilem claritatem: quos semper velut labia quædam aperiri à Domino postulabat David dicens Psalm. 50. 17. *Domine, labia mea aperies;* ut affectus ad bonum, & intellectus sit apertus ad verum, Simon Cast. l. 8. c. 40.

Calceamenta in pedes ejus. Luc. 15. 22. dantur, quæ pedum sunt, munimenta. Sunt etenim pedes, affectus, & intellectus; quibus invisibiliter velut visibiliter ambulamus: quos morticinis pellibus oportet esse munitos; ne pro vero falsum recipiat intellectus; aut malò, pro bono, noster ligetur affectus. Inevitabilis enim mors consuevit suis à viventibus, detractis pellibus homines per suæ inevitacionis communire terrorem. Idem ib.

Vitæ erat lux hominum. Jo. 1. 4. Nunquid lux pecorum? Videamus, quid sit lux hominum. Non distas à pecore, nisi intellectu. Noli aliunde gloriari: S. August. tr. 3. in Joan.

Animæ nostræ oculus intelligentia est. Sicut enim oculò corporis lux corporea, & cætera quæque corporalia, videntur; ita Deus, qui est lumen incircumscripsum, & ejus invisibilia, utcunque intellectu percipiuntur. S. Bernardus f. 5. in assumpt. B. V.

Visionem divinam consequitur mutabilitas intellectus, & voluntatis. Intellectus quidem: quia cum perventum fuerit ad primum causam, in qua omnia cognosci possunt, inquisitio intellectus cessat. Mobilitas autem voluntatis cessat; quia adeptò sine ultimò, in quo est plenitudo totius bonitatis, nihil est, quod desiderandum restet. S. Thom. Aqu. opusc. 9. c. 149.

Sicut Deus prima Veritas est objectum intellectus, & finis, & ideo quies ejus; sic Deus summum bonum est objectum, & finis affectus & quies. Idem opusc. 10. c. 26.

Tres sunt virtutes intellectuales; scilicet scientia, prudentia, & sapientia. Scientia, est cognitio, quæ habetur de creaturis; prudentia est cognitio intellectualis de actibus humanis; sapientia verò est cognitio speculativa, quæ habetur de divinis cum sapore devotionis. Sanct.

Vincent. Ferr. f. 5. Dom. 23. post Trinit.